

## AUGLÝSING

### um staðfestingu safnaráðs á stofnskrá Tónlistarsafns Íslands.

Með vísan til 3. tl. 10. gr., sbr. c-lið 2. mgr. 7. gr. safnalaga nr. 141/2011, staðfesti safnaráð þann 21. nóvember 2013 stofnskrá Tónlistarsafns Íslands.

Stofnskráin er birt sem fylgiskjal með auglýsingu þessari.

*Reykjavík, 24. júní 2015.*

F.h. safnaráðs,

**Ágústa Kristófersdóttir** framkvæmdastjóri.

#### Fylgiskjal.

#### STOFNSKRÁ Tónlistarsafns Íslands.

##### 1. gr.

Safnið heitir Tónlistarsafn Íslands og er í eigu Kópavogsbæjar. Heimili þess og varnarþing er í Kópavogi.

##### 2. gr.

Tónlistarsafn Íslands er stofnað af Kópavogsbæ. Rekstur safnsins greiðist úr bæjarsjóði í samræmi við ákvörðun bæjarstjórnar. Aðrar tekjur eru styrkir og rekstrarframlög sem gerðir eru sérstakir samningar um. Allur arður af starfseminni skal renna til safnsins sjálfs.

##### 3. gr.

Tónlistarsafn Íslands starfar samkvæmt gildandi safnalögum og fylgir siðareglum Alþjóðaráðs safna, ICOM (International Council of Museums).

##### 4. gr.

Verkefni Tónlistarsafns Íslands ná yfir sögu íslenskrar tónlistar í heild sinni. Safnið skal starfa í almannabágu. Það skal starfa eftir mótaðri söfnunar- og sýningarstefnu sem miðar að því að varpa ljósi á og efla þekkingu, skilning og áhuga almennings á sögu íslenskrar tónlistar. Safnmuni skal skrá eftir viðurkenndum aðferðum og varðveita og forverja eftir bestu getu.

##### 5. gr.

Hlutverk Tónlistarsafns Íslands er:

1. Að skrá, safna, varðveita og miðla, m.a. með sýningum hvers kyns verðmæti sem tengjast tónlist á Íslandi frá upphafi s.s. hljóðfæri, hljómtæki, hljóðupptökur, nótur, bækur, myndir og muni.
2. Að safna heimildum og gögnum um íslenska tónmenningu í formi frásagna, bréfa, viðtala, blaða- og tímaritsgreina, ævisagna og kvikmynda sem endurspeglar íslenska tónlistarflóru hverju nafni sem hún nefnist.
3. Að hafa frumkvæði að og stunda rannsóknir á sögu íslenskrar tónlistar/tónminja í samstarfi við fræðimenn á þessu sviði og skapa þeim jafnframt aðstöðu eftir því sem aðstaða leyfir. Safnið hefur frumkvæði að umsóknum um rannsóknarstyrki á sviði íslenskrar tónlistar.
4. Að stuðla að miðlun sögu íslenskrar tónlistar, til að mynda í formi fyrirlestra, námskeiðshalds og skólakynninga. Lögð skal sérstök áhersla á að nýta nýjustu aðferðir hverju sinni við miðlun efnisins.
5. Að vera ráðgefandi á sviði tónlistar fyrir nemendur, skóla, einstaklinga og stofnanir sem til hennar kunna að leita á því sviði.

6. Að leita samstarfs við aðrar stofnanir er varðveita tónminjar í þeim tilgangi að skrá þær sérstaklega og fá þær lánaðar til sýningarhalds. Þá skal stofnunin leita samstarfs í forvörslu og varðveislu viðkvæmra muna.
7. Að leitast við að vera leiðandi og ráðgefandi í vörslu hljóðritana með íslensku efni, bæði útgefna sem og hljóðritana í eigu stofnana og einstaklinga.
8. Að tryggja almennt aðgengi og upplifun með nýjustu tækni.

6. gr.

Lista- og menningarráð Kópavogs fer með stjórn Tónlistarsafns Íslands. Bæjarstjórn kýs í ráðið. Það vinnur að viðgangi safnsins í samráði við forstöðumann þess og í samræmi við siðareglur Alþjóðaráðs safna (ICOM). Ráðið fjallar um fjárhagsáætlanir og fylgist með starfsemi þessi.

7. gr.

Stjórnin ræður forstöðumann safnsins til 5 ára í senn samkvæmt reglum bæjarstjórnar Kópavogs um ráðningu starfsmanna. Forstöðumaður safnsins skal hafa menntun á ábyrgðarsviði safnsins eða hafa aflað sér hliðstæðrar hæfni á annan hátt. Forstöðumaður mótastefnu safnsins í samráði við lista- og menningarráð. Hann annast allan daglegan rekstur safnsins og ber ábyrgð á honum. Hann gerir tillögu að fjárhagsáætlun. Forstöðumaður ræður annað starfsfólk að fengnu samþykki stjórnar eða bæjarstjórnar og í samræmi við samþykktu starfs- og fjárhagsáætlun.

8. gr.

Samþykki meirihluta stjórnar þarf til þess að ákvarðanir stjórnar um fjárfestingar og meiri háttar skuldbindingar öðlist gildi. Um slík mál skal fjalla á tveimur fundum stjórnar meða a.m.k. tveggja vikna millibili, óski einn eða fleiri stjórnarmenn þess. Slíkar ákvarðanir þurfa samþykki bæjarstjórnar Kópavogs.

9. gr.

Stjórninni er heimilt að skipa starfsnefndir um skemmri eða lengri tíma og framselja hluta af ákvörðunarvaldi sínu til þeirra.

10. gr.

Ef eigendur safnsins ákveða að leggja safnið niður skal Kópavogsbær skipa nefnd til að fjalla um gjörninginn. Nefndin skal tryggja áframhaldandi varðveislu og miðlun mikilvægra heimilda og minja úr eigu safnsins í samráði við Þjóðminjasafn Íslands. Öðrum eignum skal ráðstafað í samráði við ráðuneyti mennta- og menningarmála.